

宣統新疆圖志

新疆圖志卷三十六

祀典一

洪範八政三曰祀祀者所以款神明肅民聽也然祀而綴之於農且次厥食與貨者可見聖人制祀精意凡以爲民耳自昔顓頊高陽氏作依鬼神以制義潔誠以祭祀因九黎亂德民神雜揉家爲巫史民黷齊明乃命南正重司天以屬神北正黎司地以屬民使復舊制無相侵黷民用安生逮有虞氏繼世類於上帝禋於六宗望於山川徧於羣神秩宗寅清典禮大備亦越夏商鑄鼎以象神姦巫風以儆有位夏商歌風桑林禱雨神降嘉生民以物序成周之世文以文治武以武功親者受內祀疏者受外祀殷禮功宗咸秩無文洎乎春秋王室東遷綱維解紐廟有夷伯之震鬼驚伯有之厲淫祀虐民莫憲乎正秦漢以降方士蠶起大抵侈言神仙怪誕之事碣石望海宣室受釐秦岱封禪其事不經見指紳者弗道晉隋唐宋去古愈遠逆祀淫祠幾徧天下雖禮書樂志不無可觀

而於通微合漠之至意概乎未有聞焉有元訖明世運劇薄禮制益湮魏瑞睥惡且生而祀之此所以穢德彰聞明社亦隨之而屋也惟我

聖清重熙累洽炳焉與三代同風明禮敬典遠邁前古伏讀

欽定大清會典祠祭有專司凡各省之列於祀典者社稷神祇則以祀崇德報功則以祀忠孝節義則以祀名宦鄉賢則以祀懷柔百神聲威遠訖二百餘年神民異業敬而不黷蓋近古以來未嘗有也新疆僻處西徼商周以前阻於聲教漢唐而後類皆以羈縻爲事自

高宗純皇帝大奮厥武南回北準悉隸職方建置神祠瀚滌陋俗而祀典於是乎肇興其有殊勳奇節磊軒天地者如義烈公班第剛烈公鄂容安忠襄公平瑞文襄公左宗棠勤公劉錦棠勤肅公陶模類能籌邊綏遠不辭勞瘁所謂竭股肱之力加之以忠貞者如此而祠以祀之典至當也又如材官健兒遊難捐軀者則隸

於忠義昭忠彰忠顯忠等祠列在祀典馨香罔替亦足以爲當世風焉至如

至聖先師文武帝君社稷神祇諸壇廟所在多已設立此在內地馨香俎豆多歷年所者其建立興修猶必登諸邑乘詳載年月以慎重其事况新疆當開省之初爲壇廟設置之始可不詳徵博考以垂久遠哉爰志祀典並表壇廟俾後之官斯土者備覽觀焉
文廟典禮

崇聖祠

肇聖王木金父公

裕聖王祈父公

詒聖王祁叔公

昌聖王伯夏公

啟聖王叔梁公

謹案明嘉靖九年於

大成殿後立

啟聖祠祀

叔梁公國朝所祀

詔封孔子先世王爵合祀五代更名爲

崇聖祠

東配位

先賢孔氏孟皮國朝成聖七年配

先賢顏氏無繇唐開元二十七年從祀明嘉靖九年升配

先賢孔氏鯉宋咸淳三年從祀明嘉靖九年升配

西配位

先賢曾氏點唐開元二十七年從祀明嘉靖九年升配

先賢孟孫氏激明嘉靖九年配

東廡先儒位

先儒周氏輔成明嘉靖二十三年從祀

先儒程氏珦

本朝嘉祐三年生元祐五年卒明嘉靖九年從祀

先儒蔡氏元定

宋紹興五年生慶元四年卒明嘉靖九年從祀

西廡先儒位

先儒張氏迪

國朝雍正二年從祀

先儒朱氏松

宋紹興四年生紹興十三年卒明嘉靖九年從祀

謹按

崇聖祠正獻官詣

五聖王各位前行禮其

四配

兩廡均係分獻官行禮亦無飲福受胙所有迎

神上香初獻奠帛亞獻終獻撤饌送

神望燎禮節俱如

正殿

大成殿

大成至聖先師孔子

東配位

復聖顏子

漢書禮樂志七十二弟子均以顏子位第一配於至聖元年片兒城復聖公

述聖子思子

宋大觀二年從祀諸子三年升哲位成淳三年配於至聖元年片兒城復聖公

西配位

宗聖曾子

唐開元八年從祀宋咸淳三年配聖元王聖元年封祀八宗敬二

亞聖孟子

宋元豐七年配聖元至聖元年封祀風至聖公

謹按以上配位宋以前皆稱封爵元稱公明嘉靖九年改稱某聖某子 國朝因之

東哲位

先賢閔子

唐開元八年從祀

先賢冉子

唐開元八年從祀

先賢端木子

唐開元八年從祀

先賢仲子

唐開元八年從祀

先賢卜子

從周元二十一年以經
從周元八年升行位

先賢有子

從周元八
年從祀

西哲位

先賢冉子

從周元八
年從祀

先賢宰子

從周元八
年從祀

先賢冉子

從周元八
年從祀

先賢言子

從周元八
年從祀

先賢顓孫子

從周元八
年從祀

先賢朱子

從周元八
年從祀
宋建炎四年生慶元六年卒
淳祐元年
從祀
國朝順熙五十一
年升行位

東廡先賢位

先賢公孫僑

左傳僖公八年始見昭公八
年卒
國朝咸豐七年從祀

先賢林放

從周元二十七年從祀
明嘉靖九年
改祀於東
國朝雍正二年從祀

先賢原憲

從周元二十
七年從祀

先賢南宮适

從周元二十
七年從祀

先賢商鼎唐開元二十七年從祀

先賢漆雕開唐開元二十七年從祀

先賢司馬耕唐開元二十七年從祀

先賢梁鯨唐開元二十七年從祀

先賢冉孺唐開元二十七年從祀

先賢伯虔唐開元二十七年從祀

先賢冉季唐開元二十七年從祀

先賢漆雕徒父唐開元二十七年從祀

先賢漆雕哆唐開元二十七年從祀

先賢公西赤唐開元二十七年從祀

先賢任不齊唐開元二十七年從祀

先賢公良孺唐開元二十七年從祀

先賢公肩定唐開元二十七年從祀

先賢鄭單唐開元二十七年從祀

先賢罕父黑唐開元二十七年從祀

先賢榮旗唐開元二十七年從祀

先賢左人郢唐開元二十七年從祀

先賢鄩國唐開元二十七年從祀

先賢原亢唐開元二十七年從祀

先賢廉潔唐開元二十七年從祀

先賢叔仲會唐開元二十七年從祀

先賢公西與如唐開元二十七年從祀

先賢邦巽唐開元二十七年從祀

先賢陳亢唐開元二十七年從祀

先賢琴張唐開元二十七年從祀

先賢步叔乘唐開元二十七年從祀

先賢秦非唐開元二十七年從祀

先賢顏噲唐開元二十七年從祀

先賢顏何唐開元二十七年從祀明嘉靖九年從祀國朝雍正二年從祀

先賢縣賈國朝雍正二年從祀

先賢牧皮國朝雍正二年從祀

先賢樂正克國朝雍正二年從祀

先賢萬章國朝雍正二年從祀

先賢周敦頤宋天禧元年生熙寧六年卒元祐元年從祀

先賢程顥宋明道元年生元豐八年卒淳祐元年從祀

先賢邵雍宋大中祥符四年生熙寧十年卒咸平三年從祀

西廡先賢位

先賢蘧瑗唐開元二十七年從祀明嘉靖九年從祀於鄉國朝雍正二年從祀

先賢澹臺滅明唐開元二十七年從祀

先賢宓不齊唐開元二十七年從祀

先賢公冶長唐開元二十七年從祀

先賢公皙哀唐開元二十七年從祀

先賢高柴唐開元二十七年從祀

先賢樊須唐開元二十七年從祀

先賢商澤唐開元二十七年從祀

先賢巫馬施唐開元二十七年從祀

先賢顏辛唐開元二十七年從祀

先賢曹卹唐開元二十七年從祀

先賢公孫龍唐開元二十七年從祀

先賢秦商唐開元二十七年從祀

先賢顏高唐開元二十七年從祀

先賢壤駟赤唐開元二十七年從祀

先賢石作蜀唐開元二十七年從祀

先賢公夏首唐開元二十七年從祀

先賢后處唐開元二十七年從祀

先賢奚容蒧唐開元二十七年從祀

先賢顏祖

唐開元二十七年從祀

先賢句井疆

唐開元二十七年從祀

先賢秦祖

唐開元二十七年從祀

先賢縣成

唐開元二十七年從祀

先賢公孫句茲

唐開元二十七年從祀

先賢燕伋

唐開元二十七年從祀

先賢樂歆

唐開元二十七年從祀

先賢狄黑

唐開元二十七年從祀

先賢孔忠

唐開元二十七年從祀

先賢公西蒧

唐開元二十七年從祀

先賢顏之僕

唐開元二十七年從祀

先賢施之常

唐開元二十七年從祀

先賢申根

唐開元二十七年從祀

先賢左邱明

唐貞觀二十一年以經始從祀

先賢秦冉唐高元二十七年從祀明嘉靖九年從祀國朝雍正二年從祀

先賢公明儀漢朝從祀

先賢公都子國朝雍正二年從祀

先賢公孫丑國朝雍正二年從祀

先賢張載宋天禧四年生明實十年卒淳熙元年從祀

先賢程頤宋明道二年生大觀元年卒淳熙元年從祀

謹按以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之次漢唐諸儒之上 國朝俱稱先賢不稱子

東廡先儒位

先儒公羊高子夏弟子唐貞觀二十一年從祀

先儒伏勝漢博士唐貞觀二十一年從祀

先儒毛亨漢博士同治二年從祀

先儒孔安國漢武帝時為侍中博士唐貞觀二十一年從祀

先儒后倉漢宣帝時爲博士
明嘉祐九年從祀

先儒許慎汝南人著說文解字
明嘉祐三年從祀

先儒鄭康成汝南人著論衡
明嘉祐九年從祀

先儒范甯晉書五年生
明嘉祐九年從祀

先儒陸贄唐天寶十三年生
明嘉祐九年從祀

先儒范仲淹宋咸平二年生
明嘉祐九年從祀

先儒歐陽修宋景祐四年生
明嘉祐九年從祀

先儒司馬光宋天聖三年生
明嘉祐九年從祀

先儒謝良佐宋景祐十年生
明嘉祐九年從祀

先儒呂大臨宋元祐中爲秘書正字
明嘉祐九年從祀

先儒羅從彥宋熙寧五年生
明嘉祐九年從祀

先儒李綱宋元祐六年生
明嘉祐九年從祀

先儒張栻宋紹興二年生
明嘉祐九年從祀

先儒陸九洲宋紹興九年生
明嘉祐九年從祀

先儒陳淳 宋紹興二十三年生嘉定十年卒 國朝雍正二年從祀

先儒眞德秀 宋淳熙五年生嘉平二年卒 明正統二年從祀

先儒何基 宋淳熙五十年生咸淳四年卒 國朝雍正二年從祀

先儒文天祥 宋淳平三年生元至元十九年卒 國朝道光二十三年從祀

先儒趙復 宋理宗時人 國朝雍正二年從祀

先儒金履祥 宋紹定元年生元大德七年卒 國朝雍正二年從祀

先儒陳澧 宋嘉定二年生元至元年卒 國朝雍正二年從祀

先儒方孝孺 元至正十七年生明建文四年卒 國朝同治二年從祀

先儒薛瑄 明洪武二十二年生天順八年卒隆慶五年從祀

先儒胡居仁 川宣德九年生成化二十年卒 萬曆十二年從祀

先儒羅欽順 明成化元年生嘉靖二十六年卒 國朝雍正二年從祀

先儒呂柟 明成化十五年生嘉靖二十一年卒 國朝同治二年從祀

先儒劉宗周 明萬曆六年生 國朝順治二年卒道光二年從祀

先儒孫奇逢 明萬曆十二年生 國朝順治十四年卒道光八年從祀

先儒黃宗義明萬曆四十七年生國朝康熙三十四年卒

先儒張履祥明萬曆三十九年生國朝康熙三十四年卒

先儒王夫之明天啓時人國朝崇禎中卒

先儒陸隴其明崇禎三年生國朝康熙十一年卒

先儒張伯行國朝順治八年生雍正四年卒

西廡先儒位

先儒穀梁赤子夏弟子齊哀公二十一年從祀

先儒高堂生齊末博士人漢貞觀二十一年從祀

先儒董仲舒漢武帝初年對策爲江都相元平初年從祀

先儒劉德漢景帝子興兄弟諸呂出於

先儒毛萇漢武帝時爲河內主簿

先儒杜子春漢元帝時人

先儒諸葛亮漢光武四年生建興十一年卒

先儒王通隋開皇十四年生大業九年卒

先儒韓愈

唐大曆三年生長慶三年卒元和中七年從祀

先儒胡瑗

宋淳化四年生嘉祐四年卒明道二年從祀

先儒韓琦

宋大中祥符元年生熙寧八年卒西華縣人二年從祀

先儒楊時

宋皇祐五年生紹興五年卒明道八年從祀

先儒游酢

宋人從學於程子與楊時同自院居大遼並稱 熙寧八年從祀

先儒尹焞

宋熙寧四年生紹興十二年卒 國朝嘉祐二年從祀

先儒胡安國

宋熙寧七年生紹興八年卒明正統二年從祀

先儒李侗

宋元祐八年生慶元元年卒明嘉祐四年從祀

先儒呂祖謙

宋紹興七年生淳熙八年卒嘉祐二年從祀

先儒袁燮

宋紹興十五年生嘉定十七年卒 國朝同治七年從祀

先儒黃榦

宋紹興十年生嘉祐十四年卒 國朝正統二年從祀

先儒輔廣

宋事朱子與黃榦為友并名焉丁未從祀也 國朝光緒五年從祀

先儒蔡沈

宋乾道三年生紹定三年卒明正統二年從祀

先儒魏了翁

宋淳熙五年生嘉祐元年卒 國朝嘉祐二年從祀

新編臨志

先儒王柏

宋元三年生歲廿三年
卒咸平三年從祀

先儒陸秀夫

宋理宗三年生元十九年
卒咸平三年從祀

先儒許衡

宋嘉定二年生元十
八年卒咸平三年從祀

先儒吳澄

宋理宗三年生元十九年
卒咸平三年從祀

先儒許謙

元至元七年生咸平元
年卒咸平三年從祀

先儒曹端

明洪武九年生咸平九
年卒咸平十年從祀

先儒陳獻章

明成化二年生咸平十
三年卒咸平十四年從祀

先儒蔡清

明嘉靖四年生咸平三
年卒咸平十四年從祀

先儒王守仁

明成化八年生咸平十
五年卒咸平十六年從祀

先儒呂坤

明嘉靖十五年生咸平四
十六年卒咸平五十六年從祀

先儒黃道周

明崇禎十三年生咸平
五十五年卒咸平五十六年從祀

先儒陸世儀

明光緒三年從祀

先儒顧炎武

明崇禎十四年生咸平
五十四年卒咸平五十四年從祀

先儒湯斌

明天啓七年生咸平五
十六年卒咸平五十六年從祀

謹按以上先儒位明嘉靖以前從祀者皆稱封爵嘉靖九年改稱先儒某子 國朝稱先儒不稱子

禮節

謹按光緒三十三年奉文升列

大祀飲福受胙禮惟

皇上親詣致祭時行之其餘直省各官致祭者應將飲福受胙禮裁節以示尊崇茲謹省錄又各官至下馬牌均由西右門進行禮時亦由右階上下不得擅行東左門及東階特專記之俾無阻越

大成殿釋奠禮

通典卷一百一十五

通典行釋奠禮內外肅靜執事者各執其事鳴鐘擊磬發鼓初鼓

嚴鼓再嚴鼓三嚴鼓與贊麾生進陪典贊旌生進典贊樂生序立

陪典贊舞生序立通贊主祭官就位

與陪

祭官均就位分獻官就位

正引贊行盥洗禮引贊詣盥洗所酌水盥洗授巾盥畢復位通贊

啟宮門瘞毛血迎

神典贊舉迎

神樂陪典贊奏昭平之章通贊行上香禮正引主贊官詣

至聖先師香案前跪三上香叩首興次詣

復聖位前跪三上香叩首興次詣

宗聖位前跪三上香叩首興次詣

述聖位前跪三上香叩首興次詣

亞聖位前跪三上香叩首興復位分引候主祭官詣

復聖位時贊分獻官詣

東 暫位前跪三上香叩首興以次降階分詣

西 廡位前跪三上香叩首興畢皆復位陪通贊跪叩首叩首叩首

興跪叩首叩首叩首興跪叩首叩首叩首興通贊奠帛爵行初獻

禮典贊舉初獻樂陪典贊奏宣平之章起宣平之舞俟樂作正引

贊主祭官行初獻禮酒樽所司爵者舉爵酌酒詣

至聖先師位前跪奠帛初獻爵叩首興詣讀祝位前跪通贊皆跪
典俟歌二句則以玉振金聲句贊止歌四句則以展也大成句贊
止樂止陪典贊舞止正引贊讀祝讀祝生跪俟讀畢贊叩首叩首
叩首興典贊樂起陪典贊舞起通贊行分獻禮正引贊詣

復聖位前跪奠帛初獻爵叩首興次詣

宗聖位前跪奠帛初獻爵叩首興次詣

述聖位前跪奠帛初獻爵叩首興次詣

亞聖位前跪奠帛初獻爵叩首興復位分引俟主祭官詣

復聖位時贊分獻官詣

東哲位前跪奠帛初獻爵叩首興次詣

西廡位前跪奠帛初獻爵叩首興皆復位通贊行亞獻禮典贊舉

亞獻樂陪典贊奏秩平之章起秩平之舞俟樂作正引贊主祭官

行亞獻禮詣酒樽所司爵者舉冪酌酒詣

至聖先師位前跪亞獻爵叩首興通贊行分獻禮正引贊詣

復聖位前跪亞獻爵叩首興次詣

宗聖位前跪亞獻爵叩首興次詣

述聖位前跪亞獻爵叩首興次詣

亞聖位前跪亞獻叩首興復位分引俟詣

復聖位時贊分獻官詣

東哲位前跪亞獻爵叩首興次詣

西庶位前跪亞獻爵叩首興皆復位通贊行終獻禮典贊舉終獻

樂陪典贊奏叙平之章起叙平之舞俟樂作正引贊主祭官行終

獻禮詣酒樽所司爵者舉罍酌酒詣

至聖先師位前跪終獻爵叩首興通贊行分獻禮正引贊詣

復聖位前跪終獻爵叩首興次詣

宗聖位前跪終獻爵叩首興次詣

述聖位前跪終獻爵叩首興次詣

亞聖位前跪終獻爵叩首興復位分引俟詣

復聖位時贊分獻官詣

東哲位前跪終獻爵叩首興次詣

西庶位前跪終獻爵叩首興皆復位俟樂止典贊文德之武退通

贊徹饌典贊舉徹饌樂陪典贊奏懿平之章畢通贊送

神典贊舉送

神樂陪典贊奏德平之章陪通贊跪叩首叩首叩首興跪叩首叩
首叩首興跪叩首叩首叩首興典俟歌第六句祀事孔明句贊樂
止通贊司祝者奉祝司帛者奉帛司香者奉香司饌者奉饌恭送
燎所望燎正引分引各官詣燎所望燎典贊樂起畢通贊禮成
闔宮門捲班

樂章

欽定文
廟樂章

迎神昭平之章

大哉孔子先覺先知與天地參萬世之師祥徵麟紱韻答金絲日
月既揭乾坤清夷

奠帛初獻宣平之章

予懷明德玉振金聲生民未有展也大成俎豆千秋春秋上丁清
酒既載其香始升

亞獻秩平之章

式禮莫愆升堂再獻饗協鼓鋪誠孚鬯獻肅肅雍雍譽髦斯彥禮
陶樂淑相觀而善

終獻叙平之章

自古在昔先民有作皮弁祭菜於論思樂惟天牖民惟聖時茹彝
倫攸叙至今木鐸

徹饌懿平之章

先師有言祭則受福四海饗客時敢不肅禮成告徹毋疏毋瀆樂
所自生中原有菽

送神德平之章

冕繹戢戢洙泗洋洋景行行止流澤無疆聿昭祀事祀事孔明化

我蒸民育我膠庠

謹按祭器樂律樂器舞容均載 皇朝祭器樂舞錄茲不備述
祝文

維年月日主祭官某與祭官某暨閭省紳庶人等謹以太牢剛鬣
柔毛香帛庶饒之禮致祭於

至聖先師孔子之神曰聖由天縱緬萬世師表之尊道協時中繼
三代明倫之治學校偏乎鄉國秩祀著在彝章仰維

先師孔子教範古今德彌宇宙達天盡性淵源集羣聖之成守道
尊經文軌治大同之盛稽崇儒之鉅典

先朝久重明禋擴興學之鴻規

懿訓特升上祀風教所樹承矩矱於三雍教澤無垠廣甄陶於百
代大義炳如日月馨香永以春秋於戲玉振金聲億代猶存乎懷
慕麟祥鳳德八方莫外於尊親文治恢昭苾芬歆格以

復聖顏子

宗聖曾子

述聖子思子

亞聖孟子配尚饗

謹按自光緒三十二年升列

大祀甚盛典也西域以荒蕪榛狃之鄉見伐鼓考鍾之治尤足以鼓吹乎休明感化乎風俗雍容升降靖肅魚頑誠有銷兵氣於無形啟文明於未艾者爰舉

先師及各先賢先儒崇祀年月位次暨禮節祝祠樂歌佾舞於左昭其敬也

新疆圖志卷三十七

祀典二

秩祀祝文

高宗純皇帝告祭博克達山文

朕恭承

鴻業撫馭寰區康乂柔懷中外一視準噶爾部落向遠王化纂猷
相仍因而內亂達瓦齊又復殘虐其屬分崩離析人不聊生雖在
殊荒均之赤子朕何忍不爲拯救坐視阡危爰整王師分道並進
今者大兵道出神境惟神建標西域聳峙萬山形勢削成光靈燁
赫尙其默相翼我明威期迅奏乎膚功永敘甯夫遠服虔申昭告
用布馨香惟神鑒焉

隆乾二
十年

朕續承

祖緒中外一家順撫討逆式昭柔遠之模布德宣威不振詰戎之
畧茲以西陲小醜負恩作叛煽惑邊疆實自外於生成斷難寬夫

勅戮爰命定邊將軍喀爾喀札薩克和碩親王成袞札布整師鞠
旅盡掃餘氛大軍道出神境惟神建標西域聳峙萬山形勢削成
光靈燁赫尙其明昭明應默佑膚功期計日以執俘聿彰武績用
甯邊而敷化誕擴鴻圖敬薦馨香惟神鑑格

乾隆二十二年

朕繼緒不基輯甯函夏遐方効順諸部歸心乃逆回霍集占波羅
泥都者自我師定有伊犁拔諸囚繫既負辜恩之惡尤干逆黨之
誅朕命將移兵奉辭伐罪頻摧衆醜六師皆破竹而前屢克堅城
萬里如建瓴而下迭聽者需風納降者恐後遂械貳員之尸獻防
風之骨弟兄駢首申國憲於葉街遠近傾心撫皇輿於絕漠繼

兩朝而歲事未五載而告功仰賴洪庥實資默贊曩者大軍焚伐
宣威曾告山靈今茲重譯歸懷將禮用酬神貺右享還齊於嶽瀆
西陲永奠於遐荒薦我馨香尙其歆格

乾隆二十二年

謹案博克達山在額得墨克達巴之西天山最高峯也乾隆二
十年討準噶爾二十二年追討阿睦爾撒納大兵道出其麓二

十五年西域平軍旅凱旋咸祭告自是秩於祀典每歲春日致祭

歲祭博克達山文

初平春初地
去百三十里

惟神作鎮西陲効靈中土出雲降雨陰陽肝蠶之功切漢憑霄龍
虎綦回之勢邁祁連而聳秀嘉名並王會圖中指懸圖以建標顯
位在大荒經外式昭有赫永奠無疆朕繼序重熙敕甯六合日月
照臨之地盡入版圖乾坤覆載之區悉歸亭育萬類登諸仁壽百
神攝以懷柔惟茲烏魯木齊實當勝地巴爾哈達舊接神泉山靈
之保障斯存境內之屏藩攸寄幅員計里不殊左右戶庭屯牧如
雲遙接東西侯尉是宜登之祀典載在禮官爰卜日於春初俾定
期以時享升香瘞玉適均列嶽之班宣氣調神常峙塞垣之域式
扶絜紀不羣鴻圖用薦苾芬惟祈歆格

高宗純皇帝告祭額林哈畢爾噶山文

朕寅紹丕基輯甯函夏荷百靈之効順美報必仲當萬里之奏功

明禋咸秩惟神遐荒適峙靈應夙昭高埒天山遠通月體屬當逆賊阿睦爾撒納負恩狡叛竄迹僞悽收撫殘黎誘招諸部復貽張而起事旋蠶食以逞謀游牧至斯披猖浸甚鄰近皆潛爲烏合逆酋漸欲肆螳當緝而下旅驟加賊軍輒駭四山草木盡助聲威諸嶺風雲俱增叱咤奔鹿遂不遑擇蔭窮魚乃自絕游魂雖追躡遁逃又聞時而竣事而摧拉枯朽實從此以振威信乎奉天討以出師明神咸祐茲者歲武功而底績秩祀宜申用昭右序之文遺祠官而致享永作西陲之鎮羣邊圉以教甯

乾隆十二年

歲祭額林哈畢爾噶山文

海年春林池方官撰

惟神保障遐方奠基西土層巒內拱在漠南綏靖之前協氣遙迎當闔外奮揚之日逐飛廉於塞外八公之草木皆兵示象鼎於寶中九牧之神姦悉化輯甯有地報享宜頒朕底定荒陲久安絕域懷柔所及龍堆盡列於版圖撫馭攸加月窟咸通於聲教叛酋潰竄頭屢觸於不周勝旅先登尸遂陳夫貳員凡膚功之迅奏寶靈

効之克彰用奉明禋永垂嘉典峙金方而作鎮著神功於華嶽以西表翠幃以爲屏秩祀典於流沙之外尙其出雲降雨遠敷惠澤於邊疆惟茲酌醴牽牲敬念普存於帝力神其來格鑒此苾芬

謹案額林哈畢爾噶山在古爾班多博克山西北六十里乾隆二十二年討阿睦爾撒納遣官祭告二十四年西域平秩於祀典每歲春秋致祭

歲祭木素爾山文

惟神德符艮止位在兌維秀甲羣峯拔地倚天之勢靈鍾絕徼出雲降雨之功匹葱嶺以稱尊洵回中之巨鎮臨于闐而作障允塞外之隩區朕紹服丕基敕甯方夏渠搜卽叙遂犁頡利之庭蒲海戴清遠致防風之骨踰二萬里而獻捷不四五年而成功惟茲木素爾之山實隣阿克蘇之域曩者六師奏凱式彰默佑之庥今茲百部屯田聿顯懷柔之應是用登之祀典載在秩宗練吉日以馨香遣重臣而展告虔懸舉巍乎列嶽鎮之班胖蟹不昭歸然作

塞垣之固介以繁祉休有烈光陳此苾芬其歆格

謹案木素爾山在阿克蘇城北峯巒峻拔冰雪嵯峨艱於行旅
自山北東北行通伊犁乾隆二十五年秩於祀典每歲春秋致
祭

高宗純皇帝告祭阿勒坦山文

朕恭承

鴻業撫馭寰區康乂柔懷中外一視準噶爾部落向遠王化纂猷
相仍因而內亂達瓦齊又復殘虐其屬分崩離析人不聊生雖在
殊荒均之赤子朕何忍不爲拯救坐視阡危爰整王師分道並進
今北路大兵道出神境惟神起幹西北綿亘東南實塞外之名區
作內藩之屏障尙其默相翼我明威期迅奏乎膚功永收甯夫遠
服虔申昭告用布馨香惟神鑒焉

謹按阿勒坦山舊音阿爾泰卽古金山在庫爾圖達巴西北三
百里峯巒層沓距數百里爲北路諸山之冠東爲舊藩喀爾喀

蒙古諸部西爲準噶爾部乾隆二十年大兵討準噶爾道出阿勒坦山遣官祭告者

高宗純皇帝告祭阿拉克山文

朕恭承

鴻業撫馭寰區康乂懷柔中外一視準噶爾部落向遠王化纂猷相仍因而內亂達瓦齊又復殘虐其屬分崩離析人不聊生雖在殊荒均之赤子朕何忍不爲拯救坐視阨危爰整王師分道並進今西路大兵道出神境惟神雄標兌域秀峙坤維磅礴鍾靈綿延西轅尙其默相翼我明威期迅奏乎膚功永敷甯夫遠服虔申昭告用布馨香惟神鑒焉

乾隆二十年

朕續承

祖緒中外一家撫順討逆式昭柔遠之模布德宣威不振詰戎之畧茲以西陲小醜負恩作叛煽惑邊疆實自外於生成斷難寬夫勦戮爰命定邊將軍喀爾喀札薩克和碩親王成袞札布整師鞠

旅盡掃除氛大軍道出神境惟神建標兌域挺秀坤維磅礴鍾靈
崔嵬綿亙尙其明照翊應默佑膚功期計日以執俘聿彰武績用
甯邊而敷化誕擴鴻圖敬薦馨香惟神鑒格

乾隆二十二年

謹案阿拉克山在阿爾泰山西三百餘里乾隆二十年大兵討
準噶爾二十二年追討阿睦爾撒納至此皆遣官祭告

高宗純皇帝告祭朱爾庫朱山文

朕恭承

鴻業撫馭實區康乂懷柔中外一視準噶爾部落向遠王化纂猷
相仍因而內亂達瓦齊又復殘虐其屬分崩離析人不聊生雖在
殊荒均之赤子朕何忍不爲拯救坐視阽危爰整王師分道並進
今北路大兵道出神境惟神幹起北界勢控西陲雄峙邊隅鬱爲
要隘尙其默相翼我明威期迅奏乎虜功永敕甯夫遠服虔中昭
告用布馨香惟神鑒焉

謹按朱爾庫朱山在烘和圖淖爾西南八十里乾隆二十年大

兵進討準噶爾遣官祭告者

高宗純皇帝告祭塔爾巴哈台山文

惟神鍾靈西徼環鎮北庭作屏障於龍堆抱峰巒於烏壘前者天兵薄伐旣梯杖之無虞今茲土宇宏恢宜懷柔之徧及則途開九折殊方永荷靈庥而秩匹三公展告聿隆祀典式彰肝鬲猷格非遙

謹按塔爾巴哈台山在朱爾庫朱山西北一百里爲準境北屏乾隆三十一年遣官祭告自是秩於祀典每歲春秋致祭

歲祭塔爾巴哈台山文

乾隆本秋遣
方官致祭

惟神脈天衍山効靈中土表崇高於北徼標形勝於西陲夙稱邊塞之屏藩聳重巒而特出永作皇圖之拱衛環壘嶂以相維瑞靄祥氛答四時之靈睨升香薦幣昭萬載之懷柔秩祀攸隆洪庥丕著

高宗純皇帝告祭巴克圖山文

惟神幹連北戎位宅西陲秀甲羣雄表切漠凌霄之勢靈鍾遠微
著出雲降雨之功枕雅爾之提封巨防是奠匹祁連之形勝雄鎮
爲昭朕撫御實瀛輯甯函夏殊荒在宥興屯逾紫塞而遙絕域歸
懷列障訖金山之外仰名山之綿亙臨要地之往來壤闢膏腴萬
頃之鮮原廣布城環險阻千層之雉堞雲排當上宇之遐恢寶神
庥之攸賴爰行秩祀用展明禋胙蟹遙通長峙邊庭之固庥懸肇
舉進依嶽鎮之班行看雪嶠冰崖同破天光之照耀庶幾梯山棧
谷共歸王路之蕩平薦此馨香尙其歆格

謹按巴克圖山在塔爾巴哈台城西七十里乾隆二十二年遣
官祭告自是秩於祀典每歲春秋致祭

歲祭巴克圖山文

乾隆二十二年
方官致祭

惟神挺秀坤輿建標兌位嵯峨設險奠崇基於月體以西磅礴鍾
靈分大幹於天山之北通往來於諸部棧接梯連壯形勢於殊方
峯層巘疊朕八紘在圖六宇爲家開荒裔之土田皆成沃壤起大

蒙之亭障不限提封仰承靈貺之攸昭正值耕屯之廣布亘千盤
而積雪暗澹溫音摩萬仞以千霄同瞻巨鎮用是登諸祀典載在
禮官俾旅祭之以時庶明禋之有秩自此興雲布雨長資亭育之
功惟茲薦醴升香益廣懷柔之化

歲祭阿布喇勒山文

惟神秀甲金方勝標玉塞崇岡起伏從葱嶺以分支疊嶂峻嶒界
烏孫而作鎮近通喀什遠控伊犁納調特峙其陽翠屏儼對空格
斯繞其左碧水如環緬靈爽之夙傳宜馨香之式薦朕丕昭武略
龜定遐荒昧谷之西遣亥章以測日輪台以外駐戍已而開屯乃
眷名山寶稱福地犁庭露布久徵默佑之功觸石雲興允著懷柔
之效緬版章之式闢庶沙磧之永甯嘉貺聿臻明禋肇舉刊旅未
詳於禹貢始知際會有期虔懸載考夫周官益信報功不爽春秋
望秩瞻峻極於北庭風雨和甘垂祐麻於西海自今以始申錫無
疆

謹案阿勒勒山在伊犁城正東自乾隆二十八年秩於祀典
每歲地方官春秋致祭

歲祭塔勒奇山文

惟神保障金方安敦兌域南屏拱抱沿山之鄂博星羅北渚回環
傍水之摩多錦簇源泉有本開一鑿於峯頭煙火相望聳孤城於
遙岸形勢冠諸絕域典物錫以隆文朕遠服咸賓西戎卽叙壺漿
載道受蕃長之來降旗鼓分馳擒叛臣之往竄默孚神貺迅奏膚
功設百雉之雄關弓懸星月導雙流之谷口馬飲清泉爰錫虔懸
用申望秩屆春秋而頒帛屢雉譯之咸通諏辛甲以薦饗保鴻圖
之常固尙其昭格永克猷承

謹案塔勒奇山在博羅布爾噶蘇山西北自乾隆二十八年秩
於祀典每歲地方官春秋致祭

歲祭崆郭羅鄂博山文

惟神鍾靈地絡分幹天山南隄伊犁與塔勒奇以並峙西通葱嶺

鎮衛拉特以稱雄符良德之安敦助宣元化臨兌方面聳拔夙著
神威沙暖草肥洵眞靈之秘宅巒環谷抱實絕域之奧區朕拓地
烏孫洗兵魚海單于繫頸三捷成掃穴之助貳員陳尸列戍息傳
烽之警選重臣以留鎮度沃壤以興屯益恢一統之模爰秩百神
之祀曩者籌邊五夜曾識聚米之形今茲刊旅九山長作維屏之
固迺咨祠部載練吉辰典禮肇稱薦馨香以昭格懷柔式應酬嶽
鎮以尊崇補山海之圖經傳於奕禩表渠支之疆域綏我邊黎用
奠清樽永垂鴻祐

謹案崆郭羅鄂博在博羅和洛山西自乾隆二十八年秩於祀
典每歲地方官春秋致祭

高宗純皇帝告祭巴爾魯克山文

惟神德符甯靜休著崇高壯西極之觀瞻路通月蝕鎮北庭之遼
濶脈接天山昔効順於皇旅經臨護營陣而比安磐石今隸籍於
職方紀載奠疆圉而益固金湯擬諸戴斗崆峒聿昭拱衛永藉作

屏戎索宜沛懷柔用舉明禋尙駢靈貺

謹按巴爾魯克山在塔爾巴哈台城南二百里乾隆三十一年遣官祭告自是秩於祀典每歲春秋致祭

歲祭巴爾魯克山文

每年春秋地方官致祭

惟神列方兌位合鎮坤維疊蒼翠於層巒蔭鬱葱之嘉木虬枝吐秀靈縱標太華而遙雲葉交陰勝蹟紀流沙之外翼新疆而永固保障斯存護邊塞以垂庥馨香特薦尙希來格永享明禋

高宗純皇帝告祭格登山文

詰戎龜暴漸遐邇之綏安蕩穴焚巢荷神人之協應乃者準噶爾以諸蕃瓦解款塞清兵達瓦齊以累世貫盈負隅假息方王師壓境窮鱗尙恐泥蟠而裨將選鋒鍛羽難延株守二十五騎自天而下不藉梯衝六千人無地可容悉靡纓組溯國威之遠暢瞻神貺之不昭緬爾時呵護斯存曾著勳營勝蹟迄今日度懸用薦還依表碣雄風秩我明禋惟神歆格

謹按格登山在庫隴奎山一百八十里庫克烏蘇東七十里山頂有

高宗純皇帝御製平定準噶爾紀功碑文乾隆二十五年遣官祭告自是秩於祀典每歲春秋致祭

歲祭格登山文

乾隆二十五年
地方官奉欽此

惟神位正金方勢崇西極鎮準噶爾之全部夙著靈奇導罔底斯之羣峰不宣氣化職方未載乃應運而服懷柔王會新圖早報功而行刊旅嶢嶺在望報享宜誠朕爰定遐荒削平大漠負陰抱陽之類莫不尊親出雲降雨之司咸同覆載惟格登山之雄峙環伊犁河以高騫地險爰標神功攸懋當奪壘擒生之日助王族以宣威值摩崖紀績之神翼

天庥而効順作屏遠服載揚赫聲濯靈考制名山用紀虔懸典物令先期而諏吉俾時享以薦馨康我邊陲永秩春秋之祀表茲絕域式垂山海之經雉譯咸通鴻圖永固聿將茲芬庶克歆承

高宗純皇帝歲祭阿勒坦額墨爾都圖山文

惟神鎮定邊隅奠甯朔漠東接格登之險疊嶂岩嶢南通莎嶺之雄排雲峭崿坤元協吉色偏應乎乾金艮止常安位乃居乎坎水洵伊犁之保障宜禋祀之俊崇朕撫恤準夷綏來蕃部自古職方有典未服懷柔於今王會新圖如親刊旅惟茲山之雄峙爲絕域之殊觀襟帶環流束銀濤於策集屏藩拱列連碧獻之和羅特詔祠官用頒制帛牲牢具備遙申徧望之誠俎豆維馨永著虔懸之典神其來格鑒此明禋

謹案阿勒坦額墨爾都圖山在格登山西乾隆二十八年秩於祀典每歲春秋致祭

高宗純皇帝告祭博羅圖山文

惟神體結坤輿靈昭兌位連峯峻峙拔萬仞以倚天積雪高攢歷四時而浮玉作花門之巨鎮永奠西遐界葱嶺以中維遙通南道朕統臨縣寓式廓輿圖異域歸仁列障賢于閩之外殊方在宥興

屯逾烏壘而遙乃諸部之往來仰崇山之綿亙雖幽遐不閉久已荷乎

天庥而梯棧無虞實更資乎神應用申秩祀練時日以薦馨敬遣專官肇虔而展告自此途開九折共遵王路之蕩平亦惟寒飲六花長被春風之和煦不彰肝蠶來鑒苾芬

謹按博羅圖山在納林奇喇山西五十里當喀喇沙爾東北境乾隆二十六年遣官祭告自是秩於祀典每歲春秋致祭

歲祭博羅圖山文

每年地方官春秋致祭

惟神鍾靈遐域正宅西陲險闕蠶叢道我武維揚之路高踰龍阜界殊方內屬之區作巨鎮於回中峰層嶂疊通奧區於域外棧接梯連實惟名山允宜嘉秩朕八荒在闕六合爲家旣指定乎準夷遂全收乎回部興屯更成宜安枕席以通師駐牧游羣當順涼暄以應侯惟神庥之是賴仰靈貺之攸昭爰申圭幣之文登諸祀典更肅春秋之祭載在秩宗並協懷柔宜彰肝蠶長此冰消寒嶠調

燭被於光天行當雪浹春膏湛恩漸於絕徼苾芬式薦歌格斯承

歲祭額彬格遜淖爾文

惟神德滋邊土潤被遐陬接葱嶺以瓊流繞天山而表勝澄光不
秀洲淳受衆壑之歸湛影惟清派合溥流泉之利灌平原而布惠
早看沃澤興屯通遠磧以効靈益度清波利涉宜崇禮祀用答神
庥

謹按額彬格遜淖爾在奇喇圖魯山北二百里自乾隆三十一年
秩於祀典每歲地方官春秋致祭

高宗純皇帝告祭裕勒雅爾河文

惟神坤區宅奧兌位流盈地脈迺著夫符祥金方亦資其靈潤溯
長流於星海永昭作帶之功分近派於玉河早協洗兵之慶久已
人欣利濟藉灌溉以開疆自今瑞紀安瀾並乾宗而會極爰修祀
事用答神庥

謹按裕勒雅爾河卽雅爾河在額布圖河西三十里乾隆三十

一年遣官祭告自是秩於祀典每歲春秋致祭

歲祭裕勒雅爾河文

自乾隆三十一年
地方官准其致祭

惟神德毓靈源符標上善妙柔明而不滓抱清靜以無塵遠浦渟
涵勢瀦洄而似帶晴瀾皎晶光激灑以爲銀值衆部之輸誠知百
靈之効順禾麻長養咸資布潤之功黍稷馨香宜有明禋之報用
昭靈貺庶答神庥

歲祭賽喇木渚爾文

惟神坎德宣昭蒙泉溶發自塔勒奇之峻嶺靈派遙分爲厄魯特
之名川羣流交匯晴波朗澈作襟帶於烏孫巨浪安平慶澄清於
蒲海佐坤元而布化亘沙磧以含滋允協懷柔宜崇昭報朕撫綏
遐徼者定豐功紀績犂庭勒石格登之障威行破竹洗兵伊麗之
河惟式廓之不增實有神之默相當秣馬龍堆之日効順而助皇
威泊屯田雁塞之年流潤以滋土脈用展浮沈之典庶期胙蟹之
通玉帛載陳春秋勿替興雲有滄萬頃溥灌溉之功鼓世邁行諸

蕃教乾宗之願有感而必應用康靖乎塞垣源遠則流長永馨香於奕世式惟國典時乃神庥

謹案賽喇木淖爾在庫色木蘇克河西北鄂拓克賽里河東南乾隆二十八年秩於祀典每歲地方官春秋致祭

高宗純皇帝告祭阿拉克圖古勒淖爾文

惟神衍派北庭濬源西極澤分膏雨徧敷疏勒之田波靜中流近繞烏孫之壘茲當新疆戡闢邊徼式清爰舉明禋用酬利濟庶幾朝宗有慶永資沾潤之功從此新報常新益享靈長之福

謹案阿拉克圖古勒淖爾在布勒哈齊淖爾西北五十里乾隆三十一年遣官祭告自是秩於祀典每歲春秋致祭

歲祭阿拉克圖古勒淖爾文

自乾隆三十一年
地方官春秋致祭

惟神協靈浩澤潛潤遐荒標名勝於月窟以西作襟帶於天山之北王師飛渡瑞同蘇勒之名泉大漠永清廓比蒲昌之靈海將屯衛資水泉之美普沃新壤而邊庭仰雲雨之司用昭明德爰修祀

典遙薦馨芬

歲祭額敏河文

惟神績奏安潤祥符泰運地雖臨于遠塞派原共此乾宗一水洲
淳流不同夫竹箭千層激灤風自息夫鯨波入我版章共九河而
貢順漑滋禾黍普百室以胥盈是用嘉被靈長登之秩祀爰答神
貺永固鴻基

謹案額敏河在烏里雅蘇台河西鄂爾和楚克河西自乾隆
三十一年秩於祀典每歲地方官春秋致祭

歲祭崆吉斯河文

惟神洪源遠布遐澤旁敷潤西域之神泉灌輸攸賴隸北庭之都
護耕牧稱繁巨嶺東來東岡巒之蜿蜒大河西折作襟帶於伊犁
環沙漠以揚流効地靈而播德含滋有慶命典聿昭朕撫恤羣藩
削平諸部百靈効順張雷庭之六師庶彙咸通興雲屯之千耦惟
茲巨川之利濟實爲神爽所式憑在昔飲馬長流澄波既慶卽今

列屯濠汜沃澤均沾特肅祠官載隆望祀屆春秋而將享不昭漸被之庥練時日以潔蠲克濟柔懷之福承茲永秩式此居歆

謹案崆吉斯河自乾隆二十八年秩於祀典每歲地方官春秋致祭

歲祭喀什河文

惟神澤沛金方靈昭坎德匪特克斯而共注衆派同歸經固爾札以分流平原獨沃洲澄方折記玉水之潔洞績著安瀾靜銀波之浩森効靈不爽錫典宜隆朕撫定遐陬敕甯荒服塞煙隴月駐細柳以開營雪浪風濤挾飛艖而競渡惟念斯河之天險益欽今日之波平粵稽嘔鹿名州益增式廓爰布沈狸令典用妥神明康我邊陲永秩春秋之祀綏爾藩部其歌清晏之庥肅此苾芬尙其昭格

謹案喀什河在崆吉斯河北自乾隆二十八年秩於祀典每歲地方官春秋致祭

高宗純皇帝告祭伊犁河文

朕受

命承家化綏億域懷神秩禮馨格一心爰從乙亥之春王師申討始達伊犁之境時雨効靈準人既卽叙以敕甯回部更偕來而式廓波平兩岸屢憑舟騎之通派合千山早受版章之隸惟神嘉貺錫我大勛萬里而遙久繪圖以攬勝五年而近常揆藻以輸誠特崇賚帛之文肇舉祭川之典瑞升雲物自今加澤編氓功溉土田有歲長歆國祀浩浩崑墟之北比於濱尊洋洋蒲海之東昭茲坎德醴牲用潔虔告維殷

謹案伊犁河乾隆二十五年西域平遣官祭告自是秩於祀典每歲春秋致祭

歲祭伊犁河文

自乾隆二十六年地方官在秋後祭

惟神洪源遠濬沛澤旁敷作襟帶於兌方朝宗有本協盛虛於坎德川涉咸昭境過渠搜遐控流沙而外地連越區舊傳伊列之名

環絕域以含滋互平原而布潤効靈不爽錫典宜慶朕撫馭寶輿
敕甯荒微定準噶爾之全部剝木遙通俘厄魯特之名王平波共
慶惟茲巨川之利濟實當大漠之奧區聲教所宣懷柔悉協在昔
六師飛渡旣彰孚佑之庥於今千耦興屯益溥灌輸之利爰隆秩
祀特詔祠官頒制帛以孔虔練吉辰而肇舉春秋將祀萬里宏漸
被之規牲醴薦馨諸藩享澄清之福尙希昭格來饗苾芬

歲祭察罕烏蘇河文

惟神敷澤遐方分流絕微波心澄澈鋪一片之白銀天色空明映
千層之素練沃壤則波羅塔拉遙待灌輸遠鋒則哈喇古顏茹爲
環抱圻源有自利涉攸資朕統馭八紘昭宣七德設候流沙以外
載拓堯封洗兵瀚海之西遠恢周索神効靈以俟應

天助順而成功惟茲察罕之川近在伊犁之域當王師之度塞襄
予宏助洎都護之屯田溥茲美利土膏滋液應坎德以濟生民水
氣和甘徧兌方面宜沃惠爰稽故典載肅常禋奠玉幣以孔虔練

春秋而致告吉蠲將事列四壇之崇班聿錫不昭錫千秋之繁祉庶幾鑒格永祚塞垣

謹案察罕烏蘇河在塔勒奇河西自乾隆二十八年秩於祀典每歲地方官春秋致祭

歲祭霍爾果斯河文

惟神德配元冥位居兌澤播土膏之沃衍利濟咸昭潤絕域之奧區盈科有漸達洪波而遠邁直接伊犁滙衆派以支分近通策集溯靈源之溥博錫祀典以輝煌朕康乂西陲蕩平朔漠翦準噶爾之餘孽勢失負隅俘渥赭特於重圍計窮飛渡惟神功之設險乃小魏之削平穹廬傳鶴唳而先驚逆酋亡命土馬扶風濤而具迅王旅奮威久修典禮於祠官用薦馨鬯於望秩尙其昭鑒將此芘芬

謹案霍爾果斯河自乾隆二十八年秩於祀典每歲地方官春秋致祭

歲祭阿里瑪圖河文

惟神德洽盈虛功資灌溉橋塔勒奇之左幹帶水分流環海努克
之西偏平沙交錯涵濡嘉植千林呈騰實之英迴抱長川萬井沐
滋培之益地靈克効祀事孔將朕既繼武功用敷文命東風受吏
聿彰懷柔之謨溟海來王共協安瀾之慶緬神功之布潤蔚物產
之含滋秋實春華平衍溥自然之利濟川作楫利涉占攸往之宜
特詔祠官祇申歲祀錫鴻文於望秩肅薦馨香答靈貺於元冥永
光俎豆春秋勿替昭鑒在茲

謹案阿里瑪圖河在伊犁河西自乾隆二十八年秩於祀典每
歲地方官春秋致祭

歲祭策集河文

惟神導源西極疏派北庭抱巖谷以奔趨莫禦激湍之勢溉土田
而沃衍常宏潤物之功細浪翻銀脈絡遙連乎察罕長虹飲練尾
閘下注乎伊犁禹跡未通靈境軼大荒經外堯封新拓嘉名備王

會圖中朕撫育寰區牧甯邊徼武功不振全收蔥嶺之河屯政肇修遠引蒲昌之海惟明川之用涉宜昭報之有加承坤德以流甘位兌維而布潤往歲六軍飲馬式彰呵護之靈今滋重譯款關肯受懷柔之化爰崇明祀特勅所司陳璋邸以升馨潔彝尊而致告澄波淼淼永環都護之城流水泱泱遙繞祁連之嶂益甄靈貺尙鑒精誠

謹案策集河在伊犁河北自乾隆二十八年秩於祀典每歲春秋致祭

歲祭薩瑪勒河文

惟神靈源夙著渥澤常濡居額克蘇之上游衍伊犁河之別派遙岑北拱萬壘雲連大水南環千條練渴互神皋而利濟滋絕域以含膏奠彼迴瀾詔茲秩祀朕誕敷文德式廓輿圖稱部落於荒陬功惟作潤軫羣黎之日用期以飲和惟坎功之用涉咸昭期戊校之開屯有藉遺專官以致享典肅春秋酬靈貺而告虔吉諏辛甲

奎屯上下益恢聲教之隆策集東西共受明禋之賜神其昭鑒薦此椒馨

謹案薩瑪勒河在伊犁河北自乾隆二十八年秩於祀典每歲地方官春秋致祭

歲祭奎屯河文

惟神衍派天山導源月窟湛然無滓性殊湯谷之溫注焉不盈德比寒泉之食波成文而曲折下注伊犁水如鏡以澄明近隣策集功惟潤下勢欲朝宗洵神應之聿昭宜吉蠲之罔替朕并包九寓戡定二庭路逾弱水之西千鈐遠授地盡河源之外茂校新屯乃咨都護之臣肇舉名川之祀穿渠引水灌溉之利攸資剗木乘桴濟涉之功尤遠自古版章未闢不登裴矩之圖於今中外爲家合補鄴元之注清醪載酌制帛爰陳康我塞垣永作渠搜之襟帶昭茲功德長歆嗣歲之馨香式薦必分庶希鑒格

謹案奎屯河在伊犁河北自乾隆二十八年秩於祀典每歲地

方官春秋致祭

建威將軍楊公必耀祠祭文

曰惟公德比瑋璋心同金石從龍旂以懋績守烏壘以揚威奮臂
誓師義勇壯山河之色捐軀報國精誠爭日月之光專祠
勅建報功典重禮亦宜之茲屆 敬薦馨香伏乞公靈庶幾昭
格尙饗

前都統顏札公祠祝文

曰惟公聲蜚翰苑功立邊疆緝武經文倚任獨隆於
北闕整軍遏旅餘威尙震於西陲建三畝之祠堂欽承
詔命享九邊之俎豆永報元勳茲屆仲秋用修祀典伏惟昭格鑒
此精虔尙饗

關聖帝君祝文

曰惟

帝浩氣凌霄丹心貫日扶正統而彰信義威震九州完大節以篤

忠貞名高三國神明如在徧祠宇於寰區靈應不昭薦馨香於歷代屢徵異蹟顯佑羣生恭值 嘉辰遵修祀典筵陳饗豆几尊牲醪尙饗

祭武聖曾祖光昭公祖裕昌公父成忠公祝文

曰惟公世澤貽庥靈源積慶德能昌後篤生神武之英善則歸親宜享尊崇之報列上公之封爵

錫命優隆合三世之肇祀典章明備恭逢 諏吉祇事薦馨尙饗

建威將軍金公祠祝文

曰惟公麟閣酬庸自古重干城之選鷹揚奏績遠猷增史牒之華朝廷追念成勞特隆肝蠶几席居然在上敢昧儀型溯自小醜跳梁邊關告警六師張其撻代一鼓聚而殲旃維時公領雄軍進屯斯土豺虎聞而遠避蚩氓賴以乂安於是榮晉提封且喜新開幕府師干駢總鼎鉉銘勛生祠旂常沒膺俎豆報功典重禮亦宜之

茲屆 敬伸祀典伏維昭格鑒此微忱尙饗

襄勤劉公祠祝文

曰惟公助銘帶礪功在邊疆馬到功成碩望上隆於

北闕開疆拓土餘威尙震於西陲立專祠以表忠欽承

詔命合因時而舉事用報宗功茲當 敬申祀典伏惟昭格鑒

此精虔尙饗

祭通省忠義祠文

惟某歲次 某月 朔越祭日承委祭官謹以羊一豕一酒

醴香帛饌饌菓品之儀致祭于世職前任庫車辦事大臣薩公

凌阿前任塔爾巴哈台參贊大臣錫公 霖前任葉爾羌辦事大

臣武公 仁希前任塔爾巴哈台參贊大臣英公 岫之位前曰

疆場折衝君子聽鼓鼙而有感旅常著績

朝廷卽胖蠻以報功憶惟列公從事邊陲誓除外侮爰整熊羆之

隊載驅犬鼠之羣或致果於龍堆或殉身於虎穴凡茲毅魄忍缺

明禮茲當

恪修祀典伏祈昭格鑒此微忱尙饗

忠襄平公祠祝文

曰惟公德比珪璋心同金石從龍懋績桓虎揚威奮臂誓師義勇
壯山河之色捐軀報國精誠爭日月之光立專祠以昭忠欽承
詔命合羣賢而附祀敬薦馨香伏乞公靈庶幾昭格尙饗

文襄左公祠祝文

曰惟公中興元老曠代偉人德並伊周碩望獨資於東閣勲隆韓
范餘威尙震於西陲立專祠以表忠欽承
詔命合因時而舉事用報宗功茲屆
敬申祀典伏惟昭格鑒
此微虔尙饗

劉猛將軍祠祝文

曰惟神明昭元史靈著

聖朝豐功隆億載馨香祀典錫

九重明詔吞蝗懋績爲斯民捍患禦災洗爵明誠徧率土春祈秋

報凡茲守土共凜冰淵望切豐盈年期大有爰陳薄奠敬迓神庥
行看種類不遺地無虞平蠶食蠶靈不著民不歎乎鴻敷茲值
用將祀事伏乞來格鑒此微忱尙鑒

忠介金公祠祝文

曰惟公生爲賢哲沒作神明本蓋世之精忠入
熙朝之祀典手握八千子弟度關而殺賊如麻身擁百萬貔貅出
塞則清塵若洗始立功於烏魯繼駐節於伊江祀事孔明專祠
勅建報功典重禮亦宜之茲屆 敬薦馨香伏乞公靈庶幾昭
格尙鑒

勤肅陶公祠祝文

曰惟公勲成匡濟德協懷柔安邊定遠
聖主紆憂由詞館而海陟封圻本文章而發爲經濟生則旗常歿
膺俎豆立專祠以表忠欽承

詔命合因時而舉事用報宗功茲屆

敬申祀典伏惟昭格鑒

新嘉坡志
此精虔尙饗

歲祭福壽山文

曰惟神聰明而一正直無私實邊地之屏藩入

熙朝之祀典南承崑幹奎壁聯而風雨以時北接祁連歲月增而
春秋不老福之爲言富也寶藏時興壽則無能明焉地天交泰茲
值陽春之月用修胙蠶之誠祀事孔明仰聲靈之赫濯鑒觀不爽
爲民庶所皈依敢薦苾芬尙其歆格

龍王廟祝文

曰惟神澤潤生民膏流旬服兩陽時若夙彰應孚之靈年穀順成
澤被綏豐之福念神庥之不著惟典祀之宜崇茲 用申報饗
尙其歆格鑒此精誠尙饗

文昌帝君祠祝文

曰惟神績著西陲樞環北極六星躔曜協昌運之光華累代垂靈
爲人文之主宰扶正久彰夫感應薦馨宜致其尊崇茲屆 用

昭時祀尙其歌格鑒此精虔尙饗

文昌帝君先代祝文

曰祭引先河之義禮崇反本之恩矧夫世德彌光延賞斯及祥鐘累代炯列宿之精靈化被千秋爲人文之主宰是尊後殿用答前麻茲值 恪將時祀用申告潔神其歌格尙饗

社稷壇祝文

曰惟神奠安九土粒食萬邦分五色以表封圻育三農而教稼穡
恭承守土肅展明禋時屆 敬修祀典庶丸丸松柏鞏磐石於
無疆翼翼黍苗佐神倉於不匱尙饗

神祇壇城隍廟祝文

曰惟神贊襄天澤福佑蒼生佐靈化以流形生成永賴乘氣機而
鼓盪溫肅攸宜磅礴高深長保安綏之吉憑依鞏固寶資捍禦之
功幸民俗之殷盈仰神明之庇護恭修歲祀正值良辰敬潔豆籩
祇陳牲幣尙饗

先農壇祝文

曰惟神肇興稼穡立我蒸民頌思文之德克配彼

天念率土之功陳常時夏茲當東作咸服先疇洪惟

九五之尊歲舉

三推之典恭膺守土敢望勞民謹奉彝章聿修祀事惟願五風十
雨嘉祥恒沐神庥庶幾九穗雙歧上瑞頻書大有尙饗

新疆圖志卷三十八

學校一

探天人之奧抉性命之精澄然瑩然知萬物備於吾躬者非所謂學乎端風化之本申教養之義使智愚賢否同納軌物蔚然蒸然植人材而培國脈者非所謂學校乎故天之生上智也不數其生下愚也亦不數擾擾萬衆大率皆中材耳當其始猶侗然無所知識迨私欲以誘衆好以逐而後靈者窒馴者頑良者莠矣故風俗之壞往往不在上智與下愚而恒在中材先王知國計民生之大之不可一日無學也爲之庠序以謹其教爲之師儒以啟其衷爲之詩書誦讀以調其口爲之俎豆登降以習其目爲之琴瑟鐘鼓以濡其耳爲之射御術數以益其知能爲之忠孝廉節以激其義勇必使可生可死而不可奪然後升廡以盡其材爵祿以饜其心故其成也道足濟時而澤足垂後世其次亦不失爲束身自愛之士無他教之者能端其本故受之者自相感以誠耳及周之衰教

化陵夷風俗頽敝君若臣不能修明先王之道以維學校雖以孔子之聖不得徑行其志僅得取歷聖相傳之心法誦而述之以詔後世雖按迹有孟子而爭鳴之羣喙猶看出其途以顯與爲敵故一切虛無寂滅之教百家衆技之流足以惑世誣民而駭人聽聞者又紛然雜出於其間大道之絕續其危如一髮之引千鈞其他雖無靈於學校而究無裨益者則記誦詞章之學縱橫捭闔之習而已漢承秦敝雖董賈繼起然申商之禍未息而桑孔隨之五季無論已宋德方隆名賢輩出未幾而道學之禁竊發羣小豈學校之盛衰各有其時歟抑或者人材之盛亦足干造物之忌歟此在中土猶或難之况遐荒耶新疆地處極邊種類不一纒回較各種爲多故不獨服食異宜教誨異制與漢族直相齟齬然源遠而末愈分教殊而派自別往往有因宗教之不同而誓相讐殺者不能知教本同源又烏知所謂學校哉故與之言識字則曰我自有阿里卜言史學則曰我自有陀罕克言讀經則曰我自有庫魯安服

教之誠已成錮習要皆學其所學非吾所謂學也自禹平水土聲教已被流沙漠開西域匈奴遣子入學北朝時高昌有毛詩論語孝經置學宮子弟以相受授唐貞觀間吐番諸酋長遣子弟請入國學雖甚盛事究無所謂學校也我

朝龍興以來鎮西迪化始歸甘肅管領居斯土者旗漢較多故學校稍舉乾隆而後迪化昌吉綏來阜康奇台各縣逐次增設漸有進步同治間疆域糜爛學宮蕩然惟鎮西一城較爲完善故學校甲於全疆而他屬不及焉光緒初再經勘定左文襄奏改設郡縣置學塾訓繩童以爲潛移默化之具而劉襄勤繼之自鎮西以西劃歸新疆於舊設昌吉阜綏奇各訓導均裁升迪化州學爲府學改鎮西府學爲廳學仍設教授訓導各官於舊無學額之伊犁疏勒溫宿各府亦設訓導以資啟迪於是大興義塾而吐魯番烏蘇精河與夫拜城焉耆沙雅等處皆次第添設而學校遂駸駸稱盛焉然其效去於內地者遠矣嗟乎學校之廢興雖關運會然限於時

昌吐番諸國酋長遣子弟請入國學唐書吐蕃傳吐蕃酋長遣子弟入國學隋

唐以來天方教人東渡葱嶺大史中唐書吐蕃傳吐蕃酋長遣子弟入國學唐

初玉蓋通國乃見于諸都土志又按元史譯文證西域圖志西域之書附大史問報實錄始稱回回亦突厥之一種耳西人

謂漢書又出於回回紀又出於天方元史證西域圖志西域之書附大史問報實錄始稱回回亦突厥之一種耳西人

教興於印度唐初名僧求書天竺皆經西域故釋教亦盛於茲土

西域唐書吐蕃傳吐蕃酋長遣子弟入國學唐書吐蕃傳吐蕃酋長遣子弟入國學金滅遼耶律大石建國亦列河西

不甘入貢大抵回釋兩教參錯斯土中國文物不能遠及元代釋

氏稱極盛而西北三蕃漸染謨罕默德教與天方異趣然當時西

域人才極盛元史李友梅也里可溫天方人車若廉希憲一代儒宗又不因地因

教而限者也國初厄魯特蒙古分牧西域吐蕃傳吐蕃酋長遣子弟入國學奉

佛成俗和碩特固始汗崇奉喇嘛尤謹噶爾丹策妄阿喇布坦又

受梵封為額爾德尼卓里克圖洪台吉大史元伊犁河北有廟曰固

爾札都綱繚垣周一里許每盛夏準噶爾之眾膜拜頂禮遠近咸

集故天山北路多奉黃教南路由吐魯番西抵喀什噶爾奉回回

教有年明末有謨罕默德二十六世孫瑪墨特者自麥加踰葱嶺東各回部靡然從之瑪墨特即霍集占兄弟之高祖也乾隆間準部阿睦爾撒納回部霍集占皆以背叛誅夷南北肅清回釋兩教亦罷服罔敢生事然國家方振興黃教以鎮撫蒙部於回教亦不禁信從摩部喇嘛為衆所信服自乾隆以來皆台吉之者必請喇嘛為其長官部以喇嘛為國之師是為家之古兒也兵所到喇嘛同民多與之蓋齊政不易俗累朝羈縻遠人固如是也當是時鎮西迪化歸甘肅設郡縣旗漢人益衆學校亦以次漸興自乾隆三十四年以後迪化昌吉綏來奇臺各縣以次建學宮設訓導設庠增附缺額每縣設訓導一員庠增缺各二歲試取文武生各四科試取文生四鎮西府設教授庠增缺各五歲試取文武生各六科試取文生六蓋鎮西彼時設重鎮為西征孔道旗漢人居多故文風甲於全疆學額亦因而增多詳校乾隆光緒年信學額承表及同治三年全疆糜爛城池學宮蕩然無存其中完善之區絃誦如故者惟鎮西一城而已同治三年中有一校場也故同治定而後定光緒初再經戡定

欽差大臣左宗棠奏改設郡縣設學塾訓繩童爲潛移默化之計
光緒六年巡撫劉錦棠奏自鎮西以西劃歸新疆光緒十二年升
迪化州學爲府學設教授一管理迪化所屬各縣學務舊設昌吉
阜康綏來奇台各訓導均裁鎮西府改廳學仍設訓導不與他屬
同初鎮西迪化昌吉阜康綏來四屬考試每當甘肅學政按臨肅
州之前封試題行鎮迪道考試乾隆四十四年封送駐防大臣同
鎮迪道考試光緒六年移鎮迪道於烏魯木齊經巡撫劉錦棠奏
准封送巡撫考試其無學額之伊犁溫宿疏勒三府亦設訓導以
資啟迪於是大興義塾吐魯番設義塾八烏蘇設義塾二精河設
義塾三南路則拜城焉耆沙雅各以次建設歲以重資延教習月
六七十金筆墨供給無不豐備開書局於省城頒發經書光緒三十三年始刊
所費不資皆仰給於公家然繩民聞招入學則皆避匿不往富者
或傭人以代謂之當差代官念牌牌子繩民凡有字跡之牌所遣教習大都
內地游學隨營書識授以千字文百家姓以次授以對字作八比

纏民茫然不知所謂愈益厭苦之師或防其逃逸閉置室內加以

桎梏故纏民間入學則曰凡差皆易惟此差最難其入學數年者

所學亦無用故開學二十年所造者毛拉而已蓋宗教

語言文字無不隔閡施教者又鹵莽滅裂無怪其然也然纏民雖

數十家必建寺寺必有學其人篤信教祖牢不可破以拜孔子爲

大恥雖以官力強迫之終不能怡然舊範且一入學種人卽謂之

背教無不異視之者故勸之識字則曰我自有阿里卜西疆圖志回文共二

左而言史學則曰我自有陀犂克與之言讀經則曰我自有庫魯安

可謂醫書則有楊普奇塔普農書則有哩薩拉占候之書則有魯

斯納默西疆圖志云塔普農書內地各回教立國數千年各種書籍浩如烟

海纏之阿訇亦不盡通曉然其宗教則深入人心其教規凡竊者

賭者吸烟嗜酒者皆不得入寺生子命名問阿訇兒童年歲問阿

訇或娶或葬無一事不聽阿訇之言其寺正脊必插標爲新月形

堂側有塾童子入塾解履戶外入室屈膝而坐以踵承尻室內皮

書之開壁凹嵌板長几高二尺許數人共之插黑板於地以白粉書回文兒童各以羊腓骨一片書之其筆或竹或葭斜削而歧其舌盛黑以銅盞筆曰喀里雅木墨曰色雅樂有胡琴管鼓之屬有樂譜九音俱備凡近日科學諸物略備故啟牖之難正在有教有學外來者不易入也此外若布魯特若哈薩克與纏回皆同教異族哈薩游牧於野日必敷毡誦經三次蒙部與學尤格格不入凡決疑必問喇嘛膜拜喇嘛以得一摩撫爲幸當噶爾丹策凌時伊犁河北曰固而札廟河南曰海努克廟高利摩霄金甍耀日禮佛則偏袒脫褲露肩及瞽人生六七歲卽令識梵字誦喇嘛經病則延喇嘛諷經延額摩奇服藥其藥皆名貴獸骨所製其所用文字曰託特文與內外蒙古異其史書除中國元史及元秘史外多波斯文蒙古既不向學識字者亦稀喇嘛所諷經皆唐古忒文與蒙文又異於記事記言毫無實用漢人自兵燹後子遺無幾新來者均非土著且京津多商人陝甘多農人湘鄂多官幕兵均無移家室長子孫者有

亦不願入學自重設儒學每屆試期州郡勸之乃應試每鄉試中二人多湖湘人冒籍而得本省中式者二人曰劉燾曰田種德皆鎮西產也聞歲科試入場撫轅局門後復啟巡撫陶模照內地場規關防嚴密至二更無一完卷者光緒三十二年設新疆提學使初膺

簡命者杜彤也中國學堂鬱起始於北洋彤家渤海習見各學堂先後締創情形赴日本見通國小學校之盛嘗謂國之精神命脈在多數之小學堂及興學於異域視內地艱難倍蓰其宗旨有三曰求普不求高曰用學務人厚薪不兼差曰以次漸進不惑種人難於見功之說先是省設高等學堂人之年歲程度規律參差不齊定積分不諳平均歲終考試算題無一能答者乃改高等曰中學宣統元年冬調理化算學教習四人於京師學科始備府廳州縣自興學之命下均懸牌於空寺閒院曰蒙養學堂至是飭全省改設兩等小學照奏定全國學堂章程管理教育既而地方官吏

紛紛請派教習乃分中學班爲簡易師範班一年畢業厚其薪月三十金派往四道充教習今已兩班畢業矣而教習仍不敷分布迪化縣兩等小學十所初附於高等學堂至是撥付縣官飭迪化府建兩等模範小學堂以爲通省觀摹繹師範學堂者南路各郡縣派送者也初年議設師範學務人員上言謂繹漢語言文字宗教無事不隔閡以漢教繹不如以繹教繹聞者以爲無益謂前者劉襄勤公錦棠擲巨款開義塾二十年榛狂如故今蹈其故轍雖百年亦無成效乃開會議於學務公所議者謂繹居新疆多數知識愚蠢終煩

朝廷西顧今強鄰環伺繹處沃土而不才猶家人生蠢子而有美產也必啟其知識使知今日各國待異種之苛乃曉然於自處高天厚地必受以技能漸能爲工爲商方免他日之貧困而籌款亦有資至所謂化其體俗變其宗教猶非今日之急務也乃決議調繹生昔日曾入義塾者

繹生中國生數年者其生業可謀每有子弟城滿丁者故繹民視學爲難止

然選送繹生頗有能

爲文者沙雅縣纏生某相貌談吐文字彬彬有士風又爲謀升階

以風示鄉里期年畢業授以衣頂派學董者派鄉官者

南路縣約種人等信之如官府或以千金

之盛服過市種人榮之學務官遇於途必假以禮貌詞色以表異

之不問學問造詣蓋以聳動彼族堅其內向之心招徠後進耳至

是乃知纏非不可教者府廳州縣既以興學考成其難易情形亦

隨地而異大抵南路則款易集而招童難北路漢人稍多招致稍

易而每苦於款絀光緒三十四年分遣視學往南北兩路察學務

而黜陟之惟烏什同知彭玉章焉者知府張銑稱最達之學部得

優叙於是官吏益奮然南路往返五六千里半年乃達則調查難

如期限且言語不通瞭然相對則察人情之好惡難於是注重纏

語一門令師範中學班皆習之昔日教習撲責禁錮聞於通省於

是通飭官吏教習不得賤視纏生且爲之免徭役以示區別實業

學堂或合數縣共設一學惟無教習仿市肆之製履組帶等技

或如

學堂宜設各地方通商口岸財不虛設其地如吐魯番等處則宜設結習堂產絲之地如庫倫則宜設蠶絲學堂產金之地如石

入懷習之學處而始
取地以材故有次也

法政學堂初不專隸學司宣統元年因東省法政歸學

部考核行知各省統歸學司管轄初新省隨營授職者多不通文
理稍習公牘則委局差因而招收四十員多不中程式不盡按定
章上堂授課現行法律之主課亦未講授惟延日本人林初賢次
郎講法學通論日上堂一小時及畢業考試則中程度者不過六
人而已宣統二年重招新班整頓規則適京師法政專科教習二
員到新乃爭自濯磨以考試不及分爲辱光緒三十四年頒布預
備立憲以教育爲基礎宣統元年應頒簡易識字課本廳州縣設
簡易識字學塾頒國民必讀課本宣統二年應推廣廳州縣簡易
識字學塾宣統三年遞推於鄉鎮至宣統八年須人民識字得二
十分之一新疆地僻途遠簡字課本未及頒發乃購繪圖字方數
千部散之兒童讀之有喜色惟私塾改良一條占全國教育之多
數而議者謂憂憂其難私塾師惟恐官學奪其業於是詭詭繁興
謂入洋學則不得復出細民信之多憚入官學者

設者謂改良私塾難於改良學
堂學堂局一設則私塾立廢

且嬰兒一舉動則見其智慧無如彼何也是宜先養而後教之值百金於初學所讀於各私塾曰三月以內能誦加減乘算法則師徒各分其半先習者先得之然後派師範一人走授其歸三月以後更其教曰不使某私塾學者解體其孩兒童立於得費其父毋不應於塾師之言雖更其師而不散然後可以改良此一說也或謂民間有寺必有塾而入官塾則必強之釋孔子因而觀望若改其寺塾則十有佔於官學之數且即以官學習之今之所教者為農工商之國民也非牧豕牧羊其官也因一再而充實學之人是於孔教猶亡末之益而法誠無數之端字爾民也國民之入天主耶穌教者多矣我不備錄之釋孔子何獨苛求於爾國此又一說也又曰西國朝廟祀者輩宜巨擘煩家不惜且一去而不返為祭令其寬其再孔子而應其切切之非元太祖所創始之機要布哈喇汗於天方教者易其良稱等譯述太顯謂所言亦是惟德考加納拜我不然上帝亦臨在不懈何為拘執一地哉今此後新紀文用己名免教士服役今爾國欲朝祖者亦宜以此苦告之瑪利巴什有水災數十里田畝肥沃則光緒間有識以已賢將拜朝祖之行至此觀水可灌溉遂以寶蓋車以代朝祖新紀至今續之附係守土官吏時之可見爾民亦易導也又謂我國式官用特制教科書使其求理與吾異其之講吾之漢語對吾人處印度之古史毫無感覺今擬同既有各種書鳥使阿留碑之而我續之與之讀書者占兄弟父子背腹摩挲之處均因至伊教 總也取爾那爾之乃毫思齊板自取珠真榮格爾曼技西陸路為兵伐以及索焚章之世受禍恩自取滅族之禍哈密親王墨俄效忠貢廷後嗣此即爾國之歷史也土耳其分崩為若干小國俄人忽吞噶之哈薩克三五五之地今無片土即爾國之地現也以阿伯伯之數字皆以知其族屬所興之術故以理肥之法改其珠寶之製無別算器十珠為行用之錢不使此即爾國之算帳也若以普通之教科授之收功其用力甚多此等教科書尤重新編較宜少不宜多宜略不宜詳尤有要術凡民急愚其事放縱之心意為欲變陣陣宜詳取阿留德化登方言俾其囑喻先出影一人遊歷該少年習其義典與之水乳交融乃旋驅遣之教果顯效解網一呼而聚被勒學街命開中半功悟此又一說也

中俄學堂專習俄文漢文為養成諳譯之用初附於高等學堂因功課不相比附故撥入中俄局巡警學堂於宣統元年設立裁判學堂於宣統二年設立半年畢業派充各商埠審判官以上三項學堂均設於南關將弁學堂設於督練公所內以上兩項學堂均設於北路蒙部統於伊犁將軍光緒三十三年伊犁將軍長庚挑選四愛曼子弟及錫伯索倫各營子弟開武備學堂延原尙志為總教習原尙

志日本人嫻於教育因言語不通諱漢語爲清語教之蒙民質樸受教不敢少違規律故步伐整齊課程亦一律完備土爾扈特有郡王帕勒塔者年少聰敏入京師游日本觀各學校歸而糾合各蒙部王公於西湖建議速立學堂爲自強之基並設文學堂於省城送子弟入學就近歸學司考核宣統元年九月喀拉沙爾王赴省觀中小學堂望洋興歎謂非蒙部力能所任遂中止喀拉沙爾部牧焉耆地知守張銑設學招蒙古子弟二十餘一律入小學堂供蠶帳飲食二年餘蒙王因他事與焉耆知府小齟齬遂欲趨子弟歸而自設學堂教之議者謂蒙部風氣未開雖設學亦無效此不嫻教育也塔爾巴哈台參贊選種人子弟設一堂學蒙漢回哈各以其語言教之皆爲武備學堂計也

學宮

迪化府 舊學宮在鞏甯城乾隆三十八年建新學宮在今省城內西大街光緒五年鎮迪道周崇傳建十六年重修

迪化縣 舊學宮在鞏甯城乾隆三十八年建新學宮在今省城內西大街光緒五年鎮迪道周崇傳建十六年重修

昌吉縣 學宮乾隆三十八年建光緒十二年重修

阜康府 學宮在城東關乾隆四十一年建光緒二十二年知縣任兆觀重修

綏來縣 學宮乾隆四十四年建光緒十二年重修

奇台縣 學宮在城東大街同治十二年督辦新疆軍務大臣景廉建光緒二十三年知縣朱煥重修

鎮西廳 學宮在城西南隅同治十一年烏魯木齊都統景廉重建

哈密廳 學宮在城西南郊一里光緒十八年副將蕭元亨重建

烏蘇廳 學宮在城西街光緒二十五年同知王廷贊建

吐魯番廳 學宮在城東南隅光緒十七年同知彭緒瞻建

鄯善縣 學宮在城北大街光緒六年闕展巡檢周文荆建

伊犁府 學宮在惠遠城東北隅光緒十八年知府潘效蘇知縣

鄧以漢同建

精河廳 學宮在城西北隅光緒二十六年同知劉澄清建

溫宿府 學宮在城南門光緒三十四年兵備道潘震建

柯坪縣丞 學宮在署東南光緒三十年縣丞王廷襄建

拜城縣 學宮在城西北隅光緒十三年知縣楊廷珍建

烏什廳 學宮在城東門光緒三十三年同知胡賜福建

焉耆府 學宮在縣署東偏光緒三十四年知府張銑建

庫車州 學宮在城南大街光緒二十六年同知彭緒瞻建

疏勒府 學宮在城西北隅光緒十五年知州蔣誥建宣統元年

知府王炳堃重修

莎車府 學宮光緒十八年知州潘震副將陶生林同建

和闐州 學宮在回城光緒四年提督董福祥建

洛浦縣 學宮在縣署迤西光緒三十一年知縣陶甄建

學官

迪化府教授一員 學署在學宮左乾隆三十四年初設廳學三十八年改州學設學正一員光緒十二年改府學升爲府教授兼管鎮迪道屬各縣學務乾隆年設各訓導皆裁

迪化縣 光緒十二年改州學爲府學原設學正升教授管縣學昌吉縣 乾隆三十四年置甯邊廳學乾隆三十八年改縣學原設訓導一員今裁學務歸迪化府教授兼理

阜康縣 乾隆三十四年設迪化廳學四十一年分設縣學設訓導一員今裁學務歸迪化府教授兼理

綏來縣 乾隆三十四年設甯邊廳學四十一年分設縣學設訓導一員今裁學務歸迪化府教授兼理

奇臺縣 乾隆四十一年設奇臺縣學訓導一員今裁學務歸迪化府教授兼理

鎮西廳訓導一員 原設教授一員自咸豐四年改鎮西府爲直

隸廳學裁教授缺改設訓導

伊犁府訓導一員 光緒二十七年巡撫饒應祺奏設

溫宿府訓導一員 光緒二十七年巡撫饒應祺奏設

疏勒府訓導一員 光緒二十七年巡撫饒應祺奏設

學額

迪化縣學生 六年一貢廩二缺增二缺每歲考取文武生各四

名科考取文生四名乾隆四十五年題准

昌吉縣學生 六年一貢廩二缺增二缺每歲考取文武生各四

名科考取文生四名乾隆五十七年題准

阜康縣學生 六年一貢廩二缺增二缺每歲考取文武生各四

名科考取文生四名乾隆五十七年題准

綏來縣學生 六年一貢廩二缺增二缺每歲考取文武生各四

名科考取文生四名乾隆五十七年題准

奇臺縣學生 六年一貢廩三缺增三缺每歲考取文武生各五

名科考取文生五名乾隆五十七年題准

鎮西廳學生 六年一貢廩四缺增二缺每歲考取文武生各六

名科考取文生六名

伊犁府 光緒二十七年巡撫饒應祺 奏設學額適值停考未

及奉行

溫宿府 光緒二十七年巡撫饒應祺 奏設學額適值停考未

及奉行

疏勒府 光緒二十七年巡撫饒應祺 奏設學額未適值停考

及奉行

選舉

新疆考試自咸豐十年以後回匪倡亂概行停止至光緒四年肅清後始復開辦小學所有停考以前舉貢案牘散失無從稽考茲自光緒五年己卯科起就採訪所及者略舉如左

舉人

李鍾嶽 光緒五年己卯科

黃書林 光緒八年壬午科

周正清 光緒十一年之丙科

謝汝賡 光緒十四年戊子科

蒲紹衣 光緒五年己丑科

李炳衡 光緒十七年辛卯科

胡尙誠 光緒十九年癸巳恩科

劉煒 光緒二十年甲午科

田種德 光緒二十三年丁酉科

唐庶熙 光緒二十七年辛丑補行庚子恩正科

李葆生 光緒二十七年辛丑補行庚子恩正科

龍聲洪 光緒二十九年癸卯科

周傑 光緒二十九年癸卯科

優貢

蔣舉清 光緒二十七年辛丑補行庚子恩正人

附記拔貢二名

李可柱 光緒二十七年辛丑補行庚子恩正人

李維城 光緒二十七年辛丑補行庚子恩正人